

古

今

譚

槩

閨誠部第十九目錄

潘妃

宣城公主

胭脂虎

長婦除官

裴談

李大壯

水香勸盞

王夷甫

九錫

王中令

安鴻漸

四畏堂

爲婢取水

車武子婦

池水清

擊僧

謝太傅夫人

詩二條

李福

妬無鬚人

妬畫

妬花

任瓊二姬

妬婦津

人難相妬

二洪之樂

賀喪妻

不樂富貴

競寵

面首

唐無家法

易內

不禁內

劉氏詩題

閨誠部

子猶曰。女德之凶。無大於淫妬。然妬以爲淫地也。譬如出仕者。中無貪欲。則必不忌賢而嫉能矣。然丈夫多懼內。自天子以至於庶人。皆不免焉。則又何也。語曰。當斷不斷。反受其亂。集閨誠第十九。

○○潘妃

東昏侯寵畏潘妃。動遭呵杖。不敢忤意。乃敕虎賁不得進。大荆子。

真正杖夫。

○○宜城公主

唐裴選尚宜城公主。選有外寵一人。公主遣關人執之。截耳剝鼻。剝其陰皮。縛駙馬面上。令出廳判事。僚吏駭笑。上聞之。怒。降公主爲郡主。駙馬左遷。

○膳脂虎

陸慎言妻朱氏。沉慘狡妬。陸宰尉氏。政不在已。吏民語曰。膳脂虎。

○畏婦除官

楊弘武爲司戎少常伯。嘗除一人官。高宗問曰。某人何

因、輒、授、此、職、弘、武、曰、臣、婦、韋、性、悍、昨、以、此、見、屬、臣、不、從、  
恐、有、後、患、帝、嘉、其、不、隱、笑、遣、之、  
或、謂、其、諷、君、語、不、知、却、是、佞、后、語、

○ 褒談

褒、談、素、奉、釋、氏、妻、悍、妬、談、謂、人、曰、妻、有、可、畏、者、三、少、妙、  
時、觀、之、如、生、菩、薩、安、有、人、不、畏、生、菩、薩、男、女、滿、前、視、之、  
如、九、子、魔、母、安、有、人、不、畏、九、子、魔、母、及、五、十、六、十、薄、施、  
妝、粉、或、青、或、黑、視、之、如、鳩、盤、茶、安、有、人、不、畏、鳩、盤、茶、

唐、中、宗、時、優、人、進、迴、波、詞、曰、迴、波、爾、時、袴、袴、怕、婦、亦、

是大好外面祇有褻談內面無如李老后聞之乃厚賜優當時君臣皆以懼內爲固然矣

○ ○ 李大壯

吳儒李大壯畏服小君萬一不遵號令則叱令正坐爲綽匾警中安燈盞然燈大壯屏氣定體如枯木土偶人目之曰補闕燈檠又嘗值妻病求鴉爲藥大壯積雪中多方引致僅獲一枚友人戲之曰聖人以鳳皇來儀爲瑞君獲此免禍可謂黑鳳皇矣

如此肉身燈正合供養生菩薩但不應復殺生耳

○○水香勸盞

扈戴畏內特甚未仕時欲出則謁假於細君細君滴水  
於地水不乾須臾若去遠則然香印指至某所以爲還  
家之驗因筵聚方三行酒戴色欲遁衆客覺之譁曰扈  
君恐砌水隱形香印過界耳是當罰也吾徒人撰新句  
一聯勸請酒一盞衆以爲善乃俱起一人捧阮吟曰解  
稟香三令能遵水五申逼戴飲盡別云細彈防事水短  
焚戒時香別云戰兢思水約匄匄赴香期別云出佩香  
三尺歸防水九章別云命繫遼巡水時牽決定香戴連



沃六七巨觥吐嘔淋漓既上馬羣諫曰若夫人怪遲但道被水香勸盞留往

○○王夷甫

王夷甫婦郭泰寧女才拙而性剛聚歛無厭干預人事夷甫患之而不能禁時其鄉人幽州刺史李陽京都大俠猶漢之樓護郭氏憚之夷甫驟諫乃曰非但我言卿不可李陽亦謂卿不可郭氏小爲之損

麻胡止啼石虔斷謔李陽止妬卽此便是活神道

坡仙書孫公素

貴

扇云披扇當年笑溫嶠握刀晚歲

戰劉郎、不須戚戚如馮衍、但與時時說李陽、用此

○九錫

王丞相以曹夫人性忌、乃密營別館、衆妾羅列、男女成行、一日夫人於蔬園中望見兩三小兒騎羊、皆端正可念、語婢汝出問是誰家兒、給使不達旨、乃云此是第四五等諸郎、曹驚恚、便命車駕、將黃門及婢二十人、持食刀自出尋討、王亦飛轡出門、左右扳車欄、右手提麈尾、以柄打牛、狼狽奔馳、僅得先至、蔡司徒聞之、謂王曰、朝廷欲加公九錫、王自叙謙志、蔡曰、不聞他物、惟聞短轡、

獼車長柄麈尾耳。王大笑。

○○王中令

王中令鐸鎮渚宮、爲都統、以拒黃冠、兵漸近、先是赴鎮、以姬妾自隨、其內未行、本以妬忌、忽報夫人離京在道、中令謂從事曰、黃巢漸以南來、夫人又自北至、旦夕情味、何以安處、幕僚咸曰、不如降黃巢、公亦大笑。

○安鴻漸

安鴻漸滑稽懼內、婦翁死、哭於路、婦性素嚴、呼入幕中、  
訴之曰、何因無淚、安曰、以帕拭乾、婦曰、來日早臨棺、須

見淚安計。瘞來日以寬巾納濕紙於額上。大叩其額而  
顛。顛罷其婦又呼入。詔之曰。淚出於眼。何故額流。安曰。  
豈不聞水出高源。

○四畏堂

王欽若夫人悍妬。不畜姬侍。王於後園作堂。名三畏。楊  
億戲曰。可改作四畏。王問其說。曰。兼畏夫人。王深以爲  
恨。卒無嗣。

還是脩齋誦經不到。

○爲婢取水

周益公夫人妬有媵公盼之夫人縻之庭公適過時炎暑以渴告公酌以水夫人窺於屏內曰好箇相公爲婢取水公笑曰獨不見建義井者乎

○車武子婦

車武子婦妬武子偶偕婦兄夜歸留宿外館取一絳裙掛屏上婦出窺疑有所私拔刀徑上牀發被乃其兄也憤而退

○池水清

王氏見聞錄云渠州人韓仲善飲博多偶遊於花柳之

聞其妻怒甚時復自來驅赴同歸嘗遊謁東川經年方  
返復致妓與博徒同飲妻聞之率女僕潛匿鄰舍俟其  
筵合遂持棒伺於暗處伸不知方攘臂浮白唱池水清  
聲猶未絕腦後一棒打脫幘頭撲滅燈燭伸卽寢於飯  
牀之下有坐客暗遭毒撻復遣二青衣把髻子牽行一  
步一棒夾之罵曰這老漢何落魄不歸也燭下照之乃  
是同坐客蜀人傳笑遂呼韓爲池水清

○擊僧

渭溪張氏族多懼內少宗伯午峰公之兄號一山者尤

甚一日忤其婦婦逼之急匿房後樹上婦持竹竿擊下  
用鐵索繫之柱宗伯公見之乃曰我將見嫂請釋兄搖  
手低聲曰且慢且慢待他性過自放又二日被責潛逃  
鄰寺婦竟追至寺一僧方酣臥婦不暇詳視竟以大杖  
擊僧僧張目曰小僧無罪婦踉蹌而歸

○○謝太傅夫人

劉夫人韓諸婢使作技太傅暫見便下韓太傅索更一  
開夫人拒之曰恐傷盛德

謝公既深好音樂願欲立妓妾兄子外甥輩微達此旨

共問訊劉夫人、因方便稱關雎、蓋斯有不忘之德、夫人知以諷已、乃問誰撰此詩、云是周公、夫人曰、周公是男子相爲耳、若使周姥撰詩、當無此言、

○李福

李福妻裴氏、性極妬、一日乘裴沐浴、僞言腹痛、召一女奴、奴旣往、左右告裴曰、相公腹痛不可忍、裴竟跣步、以藥投兒溺中、進之、明旦、監軍使悉來候問、李具以實告、因曰、一事無成已矣、所恨者、虛咽一甌溺耳、

○○妬無鬚人



荀氏婦庾妬甚、不容無鬚人與荀語、鄰有少年近荀、庾便索刀杖、少年不平、候庾前、便與鬪、捽庾至地、打垂死、庾終不悔、

○妬畫

劉瓛妹爲鄱陽王妃、性極妬、王爲明帝所誅、妃追傷成疾、瓛不能止、乃令殷蒨畫王與寵妃照鏡狀、如欲偶寢、以示妃、妃唾罵曰、故室早死、病亦尋愈、

○妬花

妬女記、武歷陽女嫁阮宣、武絕忌、家有一桃樹、花葉灼

燭、宜歎笑之、卽便大怒、使婢取刀所樹、摧折其花。

○任瓊二姬

太宗賜任尚書瓊、二雙姬、妻姬、爛其髮禿盡、帝聞之怒、  
僞爲酖、教柳飲之、立死、如不妬、卽不須飲、柳氏拜教曰、  
妾與瓊俱出微賤、更相輔翼、遂至榮官、今多內嬖、誠不  
如死、竟飲盡、無他、帝謂瓊曰、人不畏死、不可以死、恐朕  
尚不能禁、卿其奈何、二女令別宅安置、

○○妬婦津

陳濟有妬婦津、傳言晉太始中、劉伯玉妻段氏、字明光、

性妬忌。伯玉常於妻前誦洛神賦。語其妻曰。得婦如此。吾無憾矣。段曰。君重水神而輕我。吾死。何患不爲水神。其夜乃自沈而死。死後七日。見夢於劉。劉自是不敢復渡此水。有婦人渡此水者。皆毀妝而濟。不爾。風波暴發。其醜婦雖加妝飾。神亦不妬也。

唐高宗將幸汾陽宮。道出妬女祠。并州長史李冲玄。惑於俗忌。欲發數萬人。別開御道。徵狄仁傑諫止。則天子反避妬婦矣。子猶曰。此是李老家法。又何怪。

○人難相妬

河間衛千戶胡泰母死十年、父再娶、弘治己酉、忽夢母  
曰、我已托生爲雌雞、毛色鵝黃、明日爲屯軍之贄、來汝  
家也、及旦、泰外出、果有屯軍攜雞來者、家欲烹以享軍、  
雞作人語曰、母烹我、待泰兒還、家人以爲怪、泰還、雞遽  
泰喃喃、叙其家事甚悉、泰涕泣告父、畜之、既久、飛啄後  
妻、詬訾不已、泰出、後妻逐入炕下、撲殺之、

○二洪之樂

洪邁與兄适皆畏內、雖少年貴達、家有聲妓、往往不能  
快意、王宣子知饒州、适家居喪、偶宣子弔焉、适延客至

內齋喚酒、甫舉杯、羣妾坐出、酒行無算、適半酣、王手  
曰、不圖今日有此樂、後二十年、宣子謝事歸越、邇來爲  
守、時已解居、暇日、宣子造郡齋、邀留款、亦出家姬侑席、  
笑謂王曰、家兄有言、不圖今日有此樂、王爲絕倒、

○○賀喪妻

解學士嘗弔友人喪妻、入門曰、恭喜、繼曰、四德俱無、七  
出、威儀嗚呼、哀哉、大吉、大利、蓋學士夫人亦悍也、

○不樂富貴

韓非子云、衛人有夫妻鬻者而祝曰、使我無故得百束、

有。其。夫。曰。何。少。也。對。曰。益。是。子。將。以。買。妻。上。浴。都。尉。王。侯。以。功。封。其。妻。大。哭。於。家。人。問。之。曰。如。此。富。貴。必。更。取。妻。矣。

○競寵

郭。尚。父。二。姬。競。寵。上。賜。金。帛。筋。環。命。官。人。載。酒。和。之。方。飲。歌。以。送。酒。一。姬。青。怒。猶。盛。歌。未。發。遽。引。滿。盞。解。於。席。曰。酒。盡。不。須。歌。矣。上。聞。笑。之。

○面首

宋。文。帝。姊。山。陰。公。主。適。何。戢。謂。帝。曰。陛。下。六。宮。數。百。妻。

惟駙馬一人太不均帝笑爲置面首三十人而取笑貌首取笑貌

○唐無家法

武三思通於韋后或升御牀與韋博戲中宗從旁爲之典簿

貴妃中酒微露其乳帝捫之曰軟溫新剗雞頭肉安祿山在旁曰滑膩初疑塞上酥帝笑曰信是胡兒只識酥

○易內

左傳齊康封好田而嗜酒以其內實遷於盧蒲癸氏易內而飲

不解兩內何以相顧

○不禁內

北齊徐之才見其妻與男子私、倉皇走避、曰、恐妨少年  
嬉笑、南唐韓熙載後房妓妾數十、房室側連橫廳、絡以  
絲繩、爲窺覘之地、旦暮亦不禁其出入、時人目爲自在  
廳、或竊與諸生淫、熙載過之、笑而趨、曰、不敢阻與、或夜  
奔客、客賦詩、有最是五更留不住、向人花畔著衣裳  
之句、

○劉氏詩題



許義方妻劉氏端潔自許義方出經年始歸語妻曰獨  
處無聊亦與鄰里親戚姬家往還乎劉曰自君之出足  
未嘗履閭義方咨歎不已又問何以自娛答曰惟時作  
小詩以適情耳義方欣然索詩觀之開卷第一題云月  
夜招鄰僧閒話

委蛇部第二十目錄

體重

肥

計四條

垂腹

計二條

偉妓

姚張綽號

短

計二條

短小

計二條

貌寢陋

計五條

短而偃

身短面長

面狹長

計二條

面字臉

面黑

計三條

黑白不均

湮文

中古冠

豬頭

尖頭

項安飾

髻

白髮白頭

計三條

朱白髮

髻類樣

大小髻樣

兩頭髻

麻胡

青衣類出

偏育

計六條

假髻計二條

簪

卷耳

三耳秀才

口吃計六條

王少卿

沒牙兒

損臂

枝指

臂大

三短

光眇跛僂同聘

三無

惡疾計二條

風之始

陳癰子

夫婦計二條

政和景泰二捕

異相

婦人異相

人疴計四條

項下吹曲

絳樹兩歌黃華二廣

無頭人計三條

半頭

勇士廟

人妖

計四條

頭斷復連

無頭亦佳

委蛇部

子猶曰、項籍之膽、不如左丘之眇、膏夫之口、不如咎  
繇之喉、鄭鄙之長、不如晏嬰之短、夷光之艷、不如無  
鹽之陋、慶忌之足、不如婁公之蹠、語曰、豹圖皮、人習  
名、此言形神之異也、故窘極生巧、足或刺繡、憤極忘  
死、胸或發聲、是皆有神行焉、借以爲笑、可執以爲可  
笑、則不可、集委蛇第二十

○體重

安祿山三百五十觔、司馬保八百觔、孟業一千觔、

○肥

咸通中、以進士服用僭侈、不許乘馬、時場中不下千人、皆跨長耳、或嘲之曰、今年教下盡騎驢、短轡長鞭滿九衢、清瘦兒郎猶自可、就中愁殺鄭昌圖、鄭肥儀故云

顧子敦肥偉、號顧屠、尹京時、與從官同集慈孝寺、子敦凭几假寐、東坡大書案上曰、顧屠肉案、同會皆大笑、乃以三十錢擲案上、子敦驚覺、東坡曰、且片批四兩來、

山陰張俛、景泰初、爲崑山學博、年未三十、以聰敏聞、典史姜者、體極肥、嘗戲張云、二三十歲小先生、張應云、四

五百勛肥典史同僚大笑

趙翁肥大夏日醉臥孫兒輩緣其腹上戲以李八九枚投臍中後日李大潰爛翁乃泣謂家人曰我腸爛將死家人料理其臍得核乃知孫兒輩所納李也

○垂腹

申王撫有肉疾腹垂至胛每出則束以白練至暑月常苦熱玄宗詔南方取冷蛇賜之蛇長數尺色白不蟄人握之如冰王腹有數約夏月真約中不復知煩暑

申王每醉使宮妓將錦綵結成軟轎擡歸寢室號曰



醉興或言此妓必魁肥者予翁曰不然正要使習慣  
周比部休體甚肥腹垂至膝每當暑月取水精爲腹漿  
日三易之猶云不堪自爲文以告上帝祈速化

○偉妓

東坡嘗飲一豪士家出侍姬佐酒內一善歌舞者容雖  
麗而軀甚偉尤豪所鍾愛向公乞詩公戲題四句云舞  
袖臨風影搖千尺龍蛇動歌喉宛轉聲撼半天風雨寒  
妓赧然

○姚張綽號

魏光乘任左拾遺、題品朝士、丞相姚元之長大行急、目爲趁蛇鶴、坐此貶左司郎中、張元一腹粗脚短、頂縮眼突、吉項目爲逆流蝦蟆。

○短

湯旣伐桀、讓於務光、光笑曰、以九尺之夫、而讓天下於我、形吾短也、羞而沈於水、有咫尺之魚、負之而去。

按莊子注云、務光身長八寸、耳長七寸。

南史云、漢光武時、潁川張仲師長一尺三寸。

○短小

尚書令何尚之與太常顏延之少相好狎二人竝短小  
何嘗謂顏爲猿顏目何爲猿同遊太子西池顏問路人  
曰吾二人誰似猿路人指何爲似顏方矜喜路人曰彼  
似猿君乃真猿二人俱大笑

趙璘儀質瑣陋成名始婚薛能爲偵相謹以詩略云述  
關每傍樗蒲局望月還登乞巧樓第一莫教嬌太過緣  
人衣帶上人頭又曰不知元在鞍轡裏將謂空馱席帽  
歸又曰火爐牀上平身立便與夫人作鏡臺

○貌寢陋

朱泚亂裴佖與衣冠數人佯爲奴求出城佖貌寢自稱  
曰甘草門兵曰此數子必非人奴如甘草不疑也

袁應中博學者有時名以貌寢諸公莫敢薦紹聖間蔡  
元度引之乃得對袁爲有上短下漏又廣額尖額面多  
黑子望之如灑墨聲啞而吳音哲宗一見連稱大陋袁  
錯愕不得陳述而退籍紳目爲奉教陋

鄭畋少女好羅隱詩常欲委身一日隱謁畋畋命其女  
隱簾窺之見其寢陋遂終身不讀江東篇什舉子或以  
此譴隱答曰以貌取人失之子孫衆皆替齒

白傳與李贊皇不協。每有所寄文章。李藏之一篋。未嘗開視。曰。見詞翰。則迴吾心矣。鄭女終身不讀江東篇什。亦是恐迴心故。予謂李相。鄭女乃真正憐才者。長安仁和坊兵部侍郎許欽明宅。與中書令郝處俊。鄉黨親族。兩家子弟。類多醜陋。而盛飾車馬。以遊里巷。京洛爲之語曰。衣裳好。儀貌惡。不姓許。卽姓郝。

王元美嘗奔州園。偶與畫士黃鶴聯席。鶴貌極陋。元美曰。人皆謂我命帶桃花煞。果然。人問何也。曰。得與美人聯席。吳人皆舉爲口實。凡見貌陋者。必曰。命帶桃花。

○短而偃

武德中、崔善爲歷尚書左丞、甚得時譽、諸曹惡其聰察、因其身短而偃、嘲之曰、崔子曲如鉤、隨例得封侯、臂上全無毛、胸前別有頭。

○身短面長

桑維翰身短面長、每引鏡自歎曰、七尺之軀、何如一尺之面、後登第、同榜四人、陳保極戲謂人曰、今歲有三箇半人及第、以桑短、謂之半人、

習鑿齒有寒疾、符堅亦謂之半人、

○○面狹長

梁宗如周尚書面狹長蕭管戲之曰卿何爲謗經如周  
曰身自來不謗經蔡大寶曰卿不謗餘經正嘉不信法  
華經耳蓋法華云聞經隨喜面不狹長如周乃悟  
荀子載衛靈公有臣曰公孫呂身長七尺面長三尺廣  
三寸鼻目耳具而名動天下

○西字臉

有川知州面大橫闊時嘲云裏上幞頭西字臉宦者已  
先聞之壽皇及得郡陞辭壽皇憶前語大笑云卿所奏

不必宣讀朕面覽愈笑不已川出外日早來天顏甚悅以某奏劄解旨也

○面黑

陳伯益面黑而狹多髯謝希孟見寫真掛壁上戲題云伯益之面大無兩指髭髯不仁侵擾乎旁而不已於是乎伯益之面所存無幾

王介甫面黃黑問醫醫曰此垢汚非疾也進澡豆令王洗之王曰天生黑於予澡豆其如予何

焦闕老芳面黑而長如驢嘗謂西澁曰君善相領一看



李久之乃曰左相像馬尚書右相像盧侍郎。然至此地位馬與盧合乃一驢字始知其戲。

○黑白不均

崔涯者吳越狂生嘲妓李端端詩云黃昏不語不知行鼻似煙。耳似鐵。獨把象牙梳。掃髻崑崙山上月初生。端得詩憂心如病乃拜候道旁戰慄所哀涯改絕句粉飾之曰覓得黃驢鞍繡鞍善和坊裏取端端楊州近日渾成錯一朶能行白牡丹於是居豪大賈競臻其戶或謔之曰李家娘子纔出墨池便登雪嶺何期一日黑白

不均

○涅文

狄青王伯庸同在樞府王每戲狄之涅文云愈更鮮明狄云莫愛否當奉贈一行伯庸大慙

○中古冠

文中丞白湖頭止七寸時人稱其帽爲中古冠孟子云  
寸七  
中古帽

○縮頭

祖廣字淵度范陽人仕至護軍長史廣行常縮頭詣桓

南郡始下車桓曰天甚清明祖參軍如從屋漏中來

○尖頭

北魏古弼頭尖太武常名之曰筆頭時人呼爲筆公

○項安節

慈聖后常夢神人語云太平宰相項安節神宗密求諸朝臣無有此人久之吳仲卿爲上相瘰癧生頸間一日立朝項上腫如拳后見之告上曰此真項安節也

○禿

秀州李公衡善與人款曲無所不狎侮少髮號葫蘆時

有作小詞謔之云、家門希差、養得一枚依樣畫、百事無能、只去籬邊、纏倒藤、幾回水上、乾捺不翻、其箇強、無處容他、只好炎天、熬作巴、

○白髮白顏

進士李居仁盡摘白髮、其友驚曰、昔則皓然一公、今則公然一婆、

有郎官老而多妾、顏白、令妻妾共鑷之、妾欲其少、去其白者、妻忌之、又去其黑者、未幾、顏頰遂空、亦可笑、顧太僕居憂、髮頰盡白、起復北上、以藥黑之、人笑曰、

髮亦起復矣。

桃源羅汝鵬年四十、鬚大半白矣、偶弔一喪家、司賓驚曰、公方強仕、何頓白乃爾、羅曰、這是平素的髮髯。

○○咏白髮

海昌女子朱桂英嘗咏白髮云、白髮新添數百莖、幾番拔盡又還生、不如不拔由他白、那有工夫與白爭。

○貌類猴

安西牙將劉文樹口辨善奏對、明皇每嘉之、文樹髭生領下、貌類猴、上令黃幡綽嘲之、文樹切惡猿猴之號、乃

密路幡綽不言、幡綽許而進、嘲曰、可憐好個劉文樹、鬚鬚共額、頤別佐、文樹面孔不似猢猻、猢猻面孔強似文樹、上知其遺路、大笑、

○大小鬚孫

劉貢父送墨與孫莘老、吏誤送孫巨源、劉責吏、吏曰、皆姓孫而同爲館職、其能別耳、劉曰、何不取其鬚別之、吏曰、又皆鬚、劉曰、既皆鬚、宜以身之大小別之、於是館中以莘老爲大鬚孫、學士巨源爲小鬚孫、學士

○兩頭紙

鍾會鍾繇皆多髯兄弟盛飾同坐車上行至城西門逢一女子微笑曰此車中央殊高二鍾殊不覺車後門生日有女子戲公云中央高公問云何答曰夫中央高者兩頭低此戲公二人爲兩頭低也後二鍾更不同車畏逢此女子

○麻胡

成郎中貌陋多髯再娶之夕岳母陋之曰我女一菩薩乃嫁麻胡索成催妝詩成便書云一樁兩好世間無好女如何得好夫高捲珠簾明點燭試教菩薩看麻胡

○青衣鬚出

屠赤水有青衣漸長、友曰、鬚出矣、屠笑曰、西出陽關無故人、

○偏盲

杜欽字子夏、目偏盲、茂陵杜鄴與欽同姓字、俱以材能稱、京師謂欽爲盲杜、子夏以相別、欽諱之、乃爲小冠、高廣纔二寸、由是更謂欽爲小冠杜、子夏、而鄴爲大冠杜、子夏云、

桓南郡玄與殷荊州仲堪語次、因共作危語、桓曰、矛頭



浙米劍頭炊殷曰百歲老翁攀枯枝顧曰井上曉龍臥  
嬰兒殷有參軍在坐云盲人騎瞎馬夜半臨深池殷曰  
咄咄逼人殷侍父疾誤以藥  
手拭淚遂眇一目

湘東王眇一目邵陵王綸賦詩戲之曰湘東有一病非  
啞復非聾相思下隻淚望直有全功又嘗與劉諒遊江  
濱歎秋望之美諒對曰今日可謂帝子降於北渚王覺  
其刺已從此銜之離騷帝子降于北  
渚目眇眇而愁予

湘東王兵起王偉爲侯景作檄云項羽重瞳尚有烏  
江之敗湘東一目寧爲赤縣所歸後竟以此伏誅

徐妃以帝眇一目、知帝將至、爲半面妝。帝見之、大怒而出。

聶大年眇一目、聘至京、有欲譏之者、童大章曰、何必譏其人、彼但多一耳、少一目而已。

徐簪菴和眇一目、常贊千眼觀音云、汝有千目、衆皆了了。我有雙目、一明一眇、多者忒多、少者忒少。烏珠如此直錢、師曠薰目以精音、又何也。

○假精

唐立武選、以高上擊毬、較其能否而黜陟之、至有置鐵

鈞於毯仗以相擊。周寶常與此選。爲鐵鈞所摘。一目瞎失。寶取睛吞之。復擊毯。獲頭簪。遂授潭原。敕賜木睛代之。

注、木睛莫知何木。置目中無所礙。視之如真睛矣。

施有吾與趙嘏同年不睦。舊失一目。以假珠代其睛。故施嘲之曰、二十九個人及第。五十七隻眼看花。

○雙

北齊杜臺卿爲尚書左丞。省中以其耳聾。戲弄之。下辭不得理者。至大罵。臺卿見其口動。謂爲自陳。訓對每致。

非越令史不曉論反以爲笑端

○卷耳

韋慶本兩耳如卷朝士多呼爲卷耳適女選爲妃長安令杜松壽見而賀之曰僕固知足下女得妃韋曰何以知之杜乃自摸其耳而卷之曰卷耳后妃之德也

○三耳秀才

隋董慎爲冥府追爲右曹錄事仍辟常州張審通爲管記慎令作判中天府後有天符來云申甚允當慎乃取方寸肉擘爲耳安審通額上曰與君三耳可乎審通復

活後數日、覺額癢、湧出一耳、尤聰、時人笑曰、天有九頭、  
鳥地有三耳、秀才亦呼雞冠秀才、

○口吃

魏鄧艾口吃、語稱艾艾、晉文王戲之曰、卿言艾艾、定是  
幾艾、對曰、鳳兮鳳兮、故是一鳳、

後周鄭偉口吃、少時逐鹿失之、問牧豎、牧豎亦吃、偉以  
牧故爲效已、竟撲殺之、

吾吳俞漳水工畫苑、而足跛、嘗過王府基、有跛姬先  
行、傍一童子戲效之、姬方怒、晉俞適踵至、遂大恚曰、

彼頑童作短命事耳。乃衣冠者亦復爲之耶。因極口罵辱。俞自陳再四。終不聽信。事類此。

唐時進士及第放榜後。卽謁宰相。其導詞答語。一出榜元。時廬肇有故不赴。次及丁稜。口吃。迨引見致詞。本欲言稜等登科。而稜乃言稜等登。稜等登。竟不能發其後語。翌日友人戲之曰。聞君善筆。可得聞乎。稜曰。無之。友曰。昨日聞稜等登。稜等登。豈非筆聳耶。

黃山谷與趙挺之等同在館修書。每日庖丁請食品。趙口吃曰。來日喫蒸餅。山谷笑之。一日酒會。擬以三字離

合成字爲令趙首云禾女委乳類一云戊丁成皿盛一  
云王白珣石碧一云里于野土墅未當山谷應聲曰來  
力較正聲與來日喫蒸餅同聲衆哄堂大笑趙赧然  
華原令崔思海口吃每與表弟杜延業遽相戲弄杜嘗  
語崔云弟能遣兄作雞鳴但有所問兄須卽報傍人訝  
之與杜私賂杜將穀一把問崔云此是何物崔云穀穀  
穀傍人大笑因輸延業

劉貢父王汾同在館中汾病口吃貢父爲之贊曰恐是  
昌家昌家周又疑非類韓未聞雄名韓只有艾氣鄭

宣正間有御史茂彪者舌禿言濕侍西班牙有東班御史  
誤入西班牙彪乃面糾曰臣是西班牙御史茂彪有東班與  
臣一般御史不合走入西班牙然彪言爲包班言爲邦滑  
稽者因其言爲一絕曰閭閻門開紫氣高含香嘗得近  
神堯東邦莫入西邦去從此人人懽茂包

○王少卿

鴻臚王少卿善宣玉音洪亮抑揚殊聳觀聽而所讀多  
訛誤其貌美髯而禿頂朝士遂爲詩以嘲之曰傳制聲  
無敵宣章字有訛後邊頭髮少前面口鬚多有問京師



新事者、或誦此詩其人遽曰、此必王少卿也。

○沒牙兒

馬都督老而無牙、郭定襄戲曰、昨聞鄰婦哭甚哀、馬問何哭、郭曰、其婦喪夫、撫孤哭曰、痛汝沒爺兒。

○損臂

興化詵公城居三十餘年、老矣、猶迎送不已、雲峰悅禪師嘗誡之、郡僚多愛詵、久不果、一日送大官出郊、墮馬損臂、以書訴悅、悅作偈戲云、大悲菩薩有千手、大丈夫兒誰不有、興化和尚折一枝、猶有九百九十九。

○枝指

祝枝山右手駢拇指。或戲曰：君之富於筆札，應以多指。  
枝山應曰：誠不以富。亦祇指以異。

○○臀大

唐左司郎中封道弘，臀最大。嘗入內奏事，步履蹣跚。李  
勣後曳道弘曰：一言語公道弘驚轉。斂容曰：敬聞教。勣  
曰：尊臀斟酌坐得，即休。何須爾許大。

○三短

北魏李諧因癭而舉頤，因跛而緩步，因蹇而徐言。人言

請等。用。三。無。

善用。三。短。亦。致。研。不。善。用。三。長。反。為。累。

○ ○ 禿眇跛僂同聘

穀梁傳季孫行父禿。晉卻克眇。衛孫良夫跛。曹公子負  
僂。同時而聘於齊。齊使禿者御禿。使眇者御眇。使跛者  
御跛。使僂者御僂。蕭同叔子齊侯從臺上笑之。客怒。

○ ○ 三無

王廣文竹月者。年邁。鬚齒已落。更闕一耳。其同僚戲為  
語曰。竹月號三無。無齒之齒。無然而無有耳。則亦無有。

蘇偶御史蒞府各縣屬候見於官署中談及斯語以爲笑譴及入謁忽覩竹月狀思及前語不覺失笑御史疑令懷已詰之令因以實對御史亦大笑

○○惡疾

北齊崔氏世有惡疾多寡眉李庶無鬚時呼爲天闕崔譙調之曰教弟種鬚法以錐遍刺額作孔插以馬尾庶曰持此先施貴族藝眉有驗然後樹鬚

劉貢父晚年得惡疾鬚眉墮落鼻梁斷壞一日與蘇東坡會飲蘇引古人一聯戲曰大風起兮飛揚安得狂

士守節梁

○風之始

吳給士女敏慧，後歸名儒陳子朝。陳惑一妾，遂染風疾。一日親戚來問，吳指妾曰：「此風之始也。」

○陳癩子

玉堂閒話：唐營丘有豪民陳姓，病風疾，衆目之爲陳癩子。陳極諱之，家人或誤言，必遭怒笞。賓客亦不敢犯。或言所苦減退，具得豐款。有遊客謁之，初謂君疾近日尤減，陳欣然命酒。將撤，又問某疾果退否。客曰：「此亦添減。」

病曰何謂也客曰添者面上添渤濕子減者減却鼻孔  
長揖而去數日不懌又每年五月值生辰必召僧道啓  
齋筵伶倫百戲俱備齊罷贈錢數萬一伶既去復入謂  
曰蒙君厚惠偶憶短李相詩一聯深叶盛德陳曰試誦  
之時陳坐碧紗幃中左右環侍伶曰詩云三十年前陳  
癩子如今始得碧紗幃遺大詔而去

○夫婦

五代楊光遠病禿婦又跛足後舉兵反欲圖大事人語  
之曰世寧有賴藉天子拐脚皇后耶

田元鈞狹而長其夫人富彥國女弟也闊而短石曼卿  
戲目之爲龜鶴夫妻。

○政和景泰二榜

政和間狀元何臬

字文續

次潘良貴皆少年有風貌而第

三人郭孝友頗古怪時曰狀元真何郎榜眼真潘郎探  
花真郭郎也。

古有郭姓而禿者故偶  
僅號爲郭郎亦曰郭禿

景泰五年狀元孫賢河南人面黑榜眼徐溥宜興人面  
白探花徐鑑武進人面黃時謂鐵狀元銀榜眼金探花。

○○異相

雲仙散錄郭汾陽每遷官則面長二寸類有光氣久之乃復程史嘉定間趙南仲爲淮閩貌古怪兩眼高低一眼觀天一眼觀地人望而畏之不敢仰視異苑賈弼夢鬼易其頭遂能半面笑半面啼

婦人異相

九真女子趙姬乳長數尺馮寶妻洗氏長二尺暑熱則擔於肩李光弼之母鬚數十根皆異表也

人病

大曆中東都天津橋有乞兒無兩手以右足夾筆寫經



乞錢欲書時先用髹筆高尺許以足接之未嘗失落書字端楷若有神助

戒菴漫筆嘉靖間有丐婦年二十許自云常州人幼患風雙手拳攣在胸不能舉動兩膝曼轉著地而行由膝之下雙脚虛擎向上遂能以雙脚指紡綿花然線穿針縫紉飲食凡事與手不異曾在予家試之果然後四五年再來生一兒頗壯偉又能以脚戲弄左右丟擲及以筋夾飯食饌之甚便

猶聞京師有丐婦年四十餘全無兩臂兩肩如削每梳

頭髮右足夾掖左足縮髮及繫衣洗面亦如之輕便比  
手無異武擲錢贈丞仲足取貫繩上略無礙滯又段文  
暉言景德中至岳下見一婦人無雙肩但用兩足刺繡  
鞋襪織綴與巧手相若衣服頗絮每止處觀者如堵競  
以錢投之

錢象先曰世有無籍之人手足俱完且不能自食不  
如此二婦人之足也悲夫子猶曰俗眼愛奇僻雖好  
不如醜但求布施多何須手足有重贖因筆焉胎晚  
貴無偶由來公道裏千秋一漂母假替先入宮吾亦

顧蓬首

嘉靖中京師有人手足俱無父盛以布囊僅滿二尺嚴如魚形挾之出觀者如堵面鉅而聲雄能就地打滾

○項下吹曲

嘉靖庚辰趙憲伯鳳自由江携二道人歸三衢項下有竅能吹簫凡飲食則以物窒之不然水自孔中溢出每作口中語則塞喉間作喉間語則以手掩口先是三十年沙隨程先生嘗於行在見一道人以笛柱項下吹曲其聲清暢而不近口不知所以然疑卽一人也

陳錫玄曰阿那律陀無目而見跋難陀龍無耳而聽  
苑伽神女非鼻聞香鬘梵鉢提異舌知味舜若多神  
無身覺觸世間諸變化相信有不可窮詰者於二道  
人何異

○絳樹兩歌黃華二牘

志奇絳樹一聲能歌二曲二人細聽各聞一曲一字不  
亂人疑一聲在鼻竟不測其何術當時有黃華者雙手  
能寫二牘或楷或草揮毫不輟各自有意

○無頭人

崔廣宗爲張守珪所殺，仍不死。餓渴卽畫地作字，世情不替，更生一男。四五年後，忽畫地云：後日當死，果然。監左帑龍舒常言有親戚宦游西蜀，路經湘漢，晚投一店，忽見店左側上有一人無首，駭以爲鬼。主人曰：奪官不須驚，此人也。往年因患瘰癧，勢蔓衍，一旦頭忽墜脫，家人以爲不可救，竟不死。自此每所需，則以手畫，日以粥湯灌之，故至今猶存耳。又云：岳侯軍中一兵犯法，梟首妻方懷娠，後誕一子，軀幹甚偉，而首極細，僅如拳，肩目皆如刻畫，則知胞胎所係，父母相爲感應。

紹興二十五年、忠翊郎刁端禮隨邵運使往江西、經嚴  
州、淳安道上、晚泊旅邸、日未暮、乃縱步村徑二三里、入  
一村舍、少憩、其家夫婦舂穀、問其姓氏、曰姓潘、婦淪茗  
以進、聞傍舍嘖嘖有聲、試窺之、乃一無頭人、織草履、運  
手快疾、刁大驚愕、潘生曰、此吾父翁也、宣和庚子歲、遭  
方賊之亂、斬首而死、手足猶能動、肌體皆溫、不忍殮殯、  
用藥傅斷處、其後瘡愈、別生一竅、欲飲食、則啾啾然、徐  
灌以粥湯、故賴以活、今三十六年、翁已七十矣、刁亟反  
憒、神志不寧者累日、後每思之、毛髮輒悚、

○魯頭

段安節於天復中避亂出京至商山中逆旅見一老婦人無一半頭坐牀心緝麻還手甚熱其兒婦言巢寇入京爲賊所傷自鼻一半已上竝隨刃去有人以藥封裹之手足微動眷屬以米飲灌口中久而無恙今已二十餘年矣

○頭斷復連

正德時濟下一秀才遭流賊亂奔避不及被賊砍覺頭落胸間而喉不斷亟以手捧頭置之項上熱血凝結痛

極遂死久之稍蘇臥野田間冠退家人求屍昇歸旬日不死頗能嚙湯粥百日痂脫視其頸瘡痕如組入腮下

○勇士廟

漢朱達仕郡功曹公孫術僭號達擁郡人不伏遂攻之乃以兵拒達埋車絆馬而戰死光武追贈輔漢將軍吳漢表爲置祠一日遭矢首退至此地絆馬訖以手摸頭如矢首於是士人感而義之乃爲置祠號爲健兒廟後世勇士廟光新漢縣圖記

○無頭亦登



賈雍出界討賊、爲賊斫去頭、復上馬還營、營中將士爭來看、雍從胸中語曰、諸君視有頭佳、無頭佳乎、吏泣曰、有頭佳、雍曰、不然、無頭亦佳、言畢而絕。

○人妖

宋卿家九代祖、如小兒、在雞窠中、不飲不食、不知年歲、子孫期望羅拜、垂頭下視、太原王仁裕遠祖母約二百餘歲、形纔三四尺、飲啖甚少、往來無迹、惟牀頭有柳箱、戒子弟勿啟、一日無賴孫醉啓之、惟一鐵篋、自此竟不回。

池州村祖翁媪二人各長三尺。縣衾擁體坐佛龕中。兩  
眼能動。蘸酒口中亦能舐之。皮皆黏骨。不知年歲。

夏縣尉胡頊嘗至金城縣界止於人家。方具食見一老  
母長二尺來竊食。新婦搏其耳曳入戶云是七代祖姑。  
壽三百餘矣。苦其竊常繫檻中。茲偶逸耳。

唐三原縣董橋店有孟媪年百餘歲而卒。店人皆呼爲  
張大夫店。媪自言二十六嫁張訾。訾爲郭汾陽所任。訾  
之貌酷類某。訾卒吾遂爲丈夫衣冠投名爲訾弟。得續  
事汾陽。寡居十五年。自汾陽薨吾已年七十二。軍中累

奏兼御史大夫忽思箴獨遂嫁此店潘老爲夫邇來復  
誕二子日消日渠消五十有五渠五十有二云見乾麟  
子